



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola VIII. Gregorii Papae I. Ad Donvm Episcopvm Messanensem. De
vsu pallii.

urn:nbn:de:hbz:466:1-15221

EPISTOLA VIII.

GREGORII PAPÆ I.

AD DONVM EPISCOPVM MESSANENSEM.

De vsu pallii.

Gregorius Dono episcopo Messanensi.

APOSTOLICÆ sedis benevolentia atque antiquæ consuetudinis ordine prouocati, fraternitati tuæ, quam in Messanensis ecclesiæ gubernatione suscepisse constat officium, pallii vsu prouidimus concedendum, illis videlicet temporibus atque ordine, quibus decessorem quoque tuum vsu esse non ambigimus: hoc nihilo minus admonentes, vt sicut a nobis huiuscemodi decoris vsu ad sacerdotalis officii honorem accepisse te gaudes, ita etiam morum atque actuum probitate ad gloriam Christi nostra susceptum auctoritate adornare contendas officium. Sic etenim alterno eris inuicem decore conspicuus, si ad huiuscemodi corporis habitum mentis quoque tuæ bona omnia concordent. Omnia enim priuilegia, quæ tuæ pridem concessa esse constat ecclesiæ, nostra auctoritate firmamus, & illibata decernimus permanere.

EPISTOLA IX.

GREGORII PAPÆ I.

AD BONIFACIUM EPISCOPVM REGIENSEM.

Ei Carinensem coniungit ecclesiam.

Gregorius Bonifacio episcopo Regiensi.

POSTQVAM ecclesiæ Carinensis, defuncto eius antistite, alium ordinare, nec loci deserti habitatio, nec finit imminutio personarum, maiori cura constringimur, ne defunctis earum sacerdotibus, si consistentes ibidem pastoris fuerint moderamine destituti, per inuia fidei hostis callidi rapiantur insidiis. Hoc ergo nostro sedit cordi consilium tuæ eam sollicitudini debere committi, quod facere per præsentia scripta perspeximus. Cuius vt curam gubernationemque studiosius habere gerereque festines, tuæ eam ecclesiæ aggregari vnique censemus, quatenus vtrarumque ecclesiarum sacerdos recte Christo adiutore pos-